



Broj: 02-05-1066/17
Lukavac, 21.07.2017.godine

Na osnovu člana 64. stav (1). tačka b), člana 28., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine, na Preporuku Komisije za provođenje postupka javne nabavke broj: 02-05-1066/17 od 20.07.2017. godine u pregovaračkom postupku bez objave obavještenja o nabavci za programa Datanova (program za vođenje matičnih knjiga rođenih, matičnih knjiga umrlih, matičnih knjiga vjenčanih i matičnih knjiga državljana) i Docunova (program za elektronsko vođenje predmeta) za potrebe općine Lukavac, Općinski načelnik d o n o s i

O D L U K U o izboru najpovoljnijeg ponuđača

Član 1.

Prihvata se preporuka Komisije za provođenje postupka javne nabavke broj: 02-05-1066/17 od 20.07.2017.godine i Ugovor za održavanje programa Datanova (program za vođenje matičnih knjiga rođenih, matičnih knjiga umrlih, matičnih knjiga vjenčanih i matičnih knjiga državljana) i Docunova (program za elektronsko vođenje predmeta) za potrebe općine Lukavac, dodjeljuje ponuđaču „ITINERIS“ d.o.o. Tuzla, ponuda broj: 06-07-AS-P/2017 od 14.07.2017.godine u vrijednosti od 4.800,00 KM bez PDV-a, koji je ponudio prihvatljivu ponudu.

Član 2.

Izabrani ponuđač je dužan da u roku od 7 (sedam) dana od dana dostavljanja ove Odluke dostavi originale ili ovjerene kopije dokumentacije iz člana 45.stav (2) tačka od a) do d) Zakona o javnim nabavkama BiH, navedene u tački 4.5. od a) do d) Tenderske dokumentacije, broj: 02-05-1066/17. Ukoliko izabrani ponuđač ne dostavi traženu dokumentaciju u određenom roku, ili je ne dostavi na propisan i nepotpun način, postupak dodjele ugovora za javnu nabavku bit će poništen.

Član 3.

Ova odluka objavit će se na web-stranici ugovornog organa (www.lukavac.ba) istovremeno s upućivanjem ponudu koji je učestvovao u postupku javne nabavke, u skladu sa članom 70.stav (6) Zakona o javnim nabavkama.

Član 4.

Ova odluka stupa na snagu danom donošenja i dostavlja se ponuđaču koji je učestvovao u postupku javne nabavke, u skladu sa članom 71. stav (2) Zakona o javnim nabavkama.



Obrazloženje

Općina Lukavac je u skladu sa Odukom o pokretanju postupka javne nabavke broj: 02-02-1-749/17 od 27.04.2017.godine pokrenula pregovarački postupak bez objave obavještenja o nabavci u skladu sa članom 21. stav (1) tačka (c) Zakona o javnim nabavkama sa ponuđačem „ITINERIS“ d.o.o Tuzla, te tendersku dokumentaciju dostavila ponuđaču „ITINERIS“ d.o.o Tuzla.

U skladu sa članom 28. stav (4) Zakona o javnim nabavkama, ugovorni organ je na svojoj internet stranici www.lukavac.ba postavio informaciju da ima namjeru provesti pregovarački postupak bez objave obavještenja o nabavci usluga za održavanje programa Datanova (program za vođenje matičnih knjiga rođenih, matičnih knjiga umrlih, matičnih knjiga vjenčanih i matičnih knjiga državljana) i Docunova (program za elektronsko vođenje predmeta).

Ponuđač „ITINERIS“ d.o.o Tuzla je do termina predviđenog za dostavu zahtjeva za učešće dostavio svoj zahtjev za učešće, a potom je do termina predviđenog za predaju početnih ponuda dostavio svoju početnu ponudu. Komisija za provođenje postupka nabavke imenovana Rješenjem broj: 02-05-1165/17 od 09.06.2017. godine je pregledala i ocjenila kao kvalifikovan zahtjev za učešće ponuđača „ITINERIS“ d.o.o Tuzla, nakon čega je ugovorni organ uputio ponuđaču „ITINERIS“ d.o.o Tuzla zahtjev za dostavu početne ponude i istog pozvao na pregovore. Poslije provedenih pregovora ponuđač je dostavio svoju konačnu ponudu. Nakon pregleda i ocjene konačne ponude Komisija je ocijenila da ponuda zadovoljava sve zadate kriterije u tenderskoj dokumentaciji, da je prihvatljiva za ugovorni organ i dala prijedlog ugovornom organu da ugovor za održavanje programa Datanova (program za vođenje matičnih knjiga rođenih, matičnih knjiga umrlih, matičnih knjiga vjenčanih i matičnih knjiga državljana) i Docunova (program za elektronsko vođenje predmeta) za potrebe općine Lukavac u vrijednosti od 4.800,00 KM bez PDV-a dodjeli ponuđaču „ITINERIS“ d.o.o Tuzla, jer je dostavio prihvatljivu ponudu.

Shodno navedenom ugovorni organ je prihvatio prijedlog Komisije i donio Odluku kao u dispozitivu.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana objave dobrovoljnog ex ante obavještenja o transparentnosti.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac.

Žalba se podnosi u najmanje tri primjerka.



OPĆINSKI NAČELNIK
Dr. Sci. Edin Delić

Dostaviti:

1. „ITINERIS“ d.o.o Tuzla;
2. Evidenciji;
3. Arhivi.